



Social



E princesita di cas JOMAI-RA MARY JOAN GEERMAN awe ta cumpli su promer añito. E ta ricibi hopi sunchi di su papi, mami, welo y welanan, tanta y omonan, primo y primanan, muy especial di su madrina y padrino y demas familia Geerman y Kransen.



Felicitation ta bay pa REINALDO BRITTEN cu ayera a cumpli aña. Pabien ta bini di su esposa Chela, tambe di su yiunan Constantino, Jenny, Wilfrido, Omira, Junny y Lea, tambe di su tres nietonan Raymond, Jeseña y Dailany, su suegra Rosalia Webb tur su rumanan y tambe di Rosita y Sharina y demas familia.



Awe ta cumpliendo su mitar siglo di bida, e galan di SAVANETA. E ta ricibi felicitacion di coleganan di tur e muisjes pippip y di su team di yo-yo.



E vampira di mey anochi ESTHER DRIESSEN awe ta cumpli 18 aña. E ta ricibi felicitacion di e vlee-meisjesnan, vleejongens, su 3 vleebaby's Sharline, Jessie y Maureen, especialmente di su conde dracula Wrenchi y Urvin y tambe di Argentinien Gang.



Ayera dia 6 di Januari "e teenager di Ponton" HORACIO ODUBER a cumpli aña. Felicitacion di parti di famia-conocirnan y empleadonan di Aldo y Pinocchio y en especial di su nieto Shaun.



Na Muebleria Tu Hogar a tuma lugar ayera entrega di e premio di 10 Mil Florin cu a worde rifa pa ORMA. E feliz ganador tabata e hoben Elvis Wever di Brazil 54-A kende a ricibi su cheque for di man di Sr. Tuyo Croes, miembro di ORMA. Presente tabata tambe Sr. Richard van Blaricum, Tesorero di ORMA y Tico Monte, Presidente. E aña aki e ticketnan a surpasa mas di 180 Mil y por bisa cu tabata un exito total.



Gerencia di Aruba Concord Hotel a homenagea dos musico, kendenan a worde elegi cantante y compositor di aña 1987 recientemente. General Manager, Alain Peghoux tabata tin palabranan di aprecio pa Chicho Kock y Hildward Croes, ambos musico ta entretene e invitadonan tanto den lobby bar como den dinning room diariamente.



Make Friends.... let's Bowl.

CBC
Camacuri Bowling Center

HABRI: Dialuna pa Diabierne di 5 p.m. - 1 a.m. y Diasabra y Diadomingo for di 1'or di merdia te.....

Happy Hour tur dia 5'or pa 6.30. No tin mester di ta miembro. Bin pasa un rato trankil serca nos hungando of dal bo drinks. Pa reserva lane yama tel. 32310. Nos ta topa na

CAMACURI BOWLING
Camacuri 3-A Tel. 32310.



Aurora Kleuterschool awe ta cumpli 25 aña di existencia. Esaki tabata e promer school cu tabata tin na Tanki Leendert. Tur e alumnonan y ex-alumnonan di e school ta desea pueblo di Tanki Leendert masha pabien.